

2. Praktika: UHOLDE ARRISKUA

Uholdeak, intentsitate desberdinarekin, baina urtero gertatzen diren fenomeno natural bat dira. Urtarriletik martxora bitartean, euriteen edo elur urtzeen eraginez, ibairen batek gainezka egiten du beti, ibai ertzetan bizi diren pertsoneri kalteak eraginez. Sarritan, administrazio publikoak diru laguntzak ematen dizkiete uholdeen kalteak jasan dituzten bizilagunei kalteak konpontzeko.

Beste alde batetik kontuan izan behar dugu uholdeek jabetza pribatuari eragiten dietela, eta beraz, jabetza hori babesteko aseguru pribatuak ere existitzen direla. Are gehiago, Aseguruen Konpentsazio Partzuergoa izeneko erakunde bat existitzen da aparteko arriskuak estaltzen dituen.

Ongizate Estatuan, Botere Publikoek beharrezko baliabideak bermatzen dituzte hiritarrek ahalik eta bizi kalitaterik onena izateko. Honela Ongizate Estatuak, bizitza maila bermatzen du, enplegua eta oinarrizko zerbitzu sozialak (osasuna, hezkuntza, erretiroa) bermatzen ditu, merkatua eta produkzioa sustatzen ditu, bakea eta egonkortasun soziala mantentzen ditu, etab. Baina bere eskumenek mugarik izan behar al dute?

EGIN BEHARREKOA:

Praktika honen helburua, uholdeen fenomenoaren inguruan komunikabideetan jasotako informaziotik abiatuta, hausnarketa bat egitea da: Noraino iritsi behar da Administrazioaren esku hartzea naturak sortutako gertaeren aurrean?

KalTEDUN potentzialen aldetik arriskuarenganako sentsibilizazioa existitzen da, eta ekimen pribatuaren bidez estaldura lortzeko posibilitatea dago jabetza pribatua babesteko. Baina aurreikuspen gabeziak dakartzan arazoak konpontzeko solidaritatera jo behar al dugu?

Honekin lotuta, Aseguruen Konpentsazio Partzuergoak aparteko arriskuen estalduran duen eginbeharra aztertzea eskatzen da. Erakunde honek beste funtziorik ere betetzen du? Eta zelan finantzatzen da?

PRAKTIKAKO AUTOEBALUAZIORAKO IRIZPIDEAK:

Praktika honek bi atal ditu. Alde batetik Aseguruen Konpentsazio Partzuergoaren inguruan informazioa bilatzea eskatzen da, batez ere aparteko arriskuen estalduran duen funtzioa aztertuz. Aseguruen Konpentsazio Partzuergoaren inguruko informazioa eta bere funtzioak ikasmaterialeko 9. gaiko 2. atalean daude zehaztuta.

Bestalde, aparteko hondamendi naturalen aurrean administrazioaren esku hartzearen inguruan hausnarketa bat egitea eskatzen da, eta gaiaren inguruko iritzia ematea aldeko eta kontrako argudioak erabiliz. Beraz, atal honetan ez dago erantzun onik edo okerrik, beti ere erantzuna ondo argudiatuta badago.